


T9297/1100.7(2)

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
OCT 31 1940

2



玉海纂卷之一

王浚儀王應麟伯厚甫輯

長山劉鴻訓青岳甫纂

弟鴻采松臯甫

男孔中藥生甫

吳州後學

陸舜玄升甫

鄧漢儀孝威甫

較閱

哈佛大學漢和
圖書館珍藏印

玉海纂

天文圖

天文圖

天文圖

天道隱而難測可見莫如象天象遠而難究
可考莫如圖

中宮

漢天文志

史天官書同

中宮天極星其一明者泰一之常

居也旁三星三公或日子屬後旬四星末大星正妃
餘三星後宮之屬也環之匡衛十二星藩臣皆曰紫
宮前列直斗口三星隨北小而銳若見若不見曰陰
德或曰天一紫宮左三星曰天槍右四星曰天棓後
十七星絕漢抵營室曰閣道北斗七星所謂璿璣玉

衡以齊七政杓攜龍角衡殷南斗魁枕參首用昏建
者杓杓自華以西南夜半建者衡衡殷中州河濟之
間平旦建者魁魁海岱以東北也斗為帝車運於中
央臨制四海史作鄉分陰陽建四時均五行移節度定
諸紀皆繫於斗斗魁戴筐六星曰文昌宮一曰上將
二曰次將三曰貴相四曰司命五曰司祿六曰司災
史記五日司祿在魁中貴人之牢魁下六星兩兩而比
者曰三能音台三能色糸君臣和不糸為垂矣輔星明
近輔臣親疆斥小疏弱杓端有兩星一內為矛招搖

一外為盾天蠡史作有句園十五星屬杓曰賤人之

牢其牢中星實則囚多虛則開出天一槍棊矛盾動

搖角大兵起

晉志兼隋志同北極五星鉤陳六星皆在紫宮中北極北

辰最尊其紐星天之樞也第一星主月太子也第二

星主日帝王也亦太一之坐第三星主丑星庶子也

鉤陳後宮也北四星曰女御宮鉤陳口中一星曰天

皇大帝其神曰耀魄寶北極四星曰四輔所以輔佐

北極出度授政也大帝上九星曰華蓋蓋下九星曰

杠華蓋下五星曰五帝內座杠旁六星曰六甲極東

一星曰柱下史柱史北一星曰女史傳舍九星在華

蓋上近河賓客之館主胡人入中國客星守之河中

五星曰造父御官也河中九星鉤狀曰鉤星天一星

在紫宮門右太一星在天一南相近亦天帝神也主

使十六神知風雨水旱兵饑災疫所在之國也紫宮

垣十五星其西蕃七東蕃八在北斗北一曰紫微東

垣下五星曰天柱門內東南維五星曰尚書尚書西

二星曰陽德陰德宮門左星內二星曰大理門外六

星曰天牀西南角外二星曰內厨東北維外六星曰
 天厨北斗七星在太微北七政之樞機陰陽之原本
 也魁四星為璇璣杓三星為玉衡又魁第一星曰天
 樞二曰璇三曰機四曰權五曰衡六曰開陽七曰搖
 光一至四為魁五至七為杓石氏云一主秦二主楚
 三主梁四主吳五主燕六主趙七主齊杓南三星及
 魁第一星皆曰三公宣德化調七政和陰陽之官也
 文昌六星在北斗魁前天之六府也主集計天道文
 昌北六星曰內階相一星在北斗南一星在相西大

將西北四星曰勢天牢六星在北斗魁下太微天子
 庭也五帝之坐也其外蕃九卿也一曰太微為衡南
 蕃中二星間曰端門東曰左執法廷尉之象也西曰
 右執法御史大夫之象也左執法之東左掖門也右
 執法之西右掖門也東蕃四星南第一曰上相北東
 大陽門第二星曰次相比中華東門第三星曰次將
 北東大陰門第四星曰上將所謂四輔也西蕃四星
 南第一曰上將北西太陽門第二曰次將北中華西
 門第三曰次相比西太陰門第四曰上相亦四輔也

王海纂 卷之一 四
西南角外三星曰明堂天子布政之宮也明堂西三星曰靈臺觀臺也主觀雲物察符瑞候災變也左執法東北一星曰謁者主贊賓客也謁者東北三星曰三公內坐朝會之所居也三公北三星曰九卿內坐治萬事九卿西五星曰內五諸侯內侍天子不之國也辟雍之禮得則大徵諸侯明黃帝坐一星在太微中舍樞紐之神也四帝坐四星俠夾通黃帝坐東方蒼帝靈威仰之神也南方赤帝赤熛怒之神也西方白帝招拒之神也北方黑帝叶光紀之神也五帝坐

北一星曰太子帝儲也太子北一星曰從官侍臣也帝坐東北一星曰幸臣屏四星在端門之內近右執法郎位十五星在帝坐東北依烏郎府也郎將一星在郎位北武賁一星在太微西蕃北下名南靜室旄頭之騎官也常陳七星如畢狀在帝坐北三台六星兩兩而居起文昌列抵太微一日天柱三公之位在天曰三台主開德宣符也西近文昌二星曰上台為司命主壽次二星曰中台為司中主宗室東二星曰下台為司祿主兵又曰三台為天階太一躡以上下

一曰泰階上星爲天子下星爲女主中階上星爲諸
侯三公下星爲卿大夫下階上星爲士下星爲庶人
中台之北一星曰大尊貴戚也攝提六星直斗杓之
南主建時節西三星曰周鼎大角一星在攝提間北
三星曰帝席梗河三星在大角北招搖一星在其北
玄戈一星在招搖北天槍三星在北斗杓東女牀三
星在紀星北天棊五星在女牀北東七星曰扶筐七
公七星在招搖東貫索九星在其前九星皆明天下
獄煩天紀九星在貫索東織女三星在天紀東端天

女也東足四星曰漸臺臨水之臺也主畧漏律呂之
事西足五星曰輦道漢輦道通南北宮其象也左右
角間二星曰平道之官平道西一星曰進賢角北二
星曰天田亢北六星曰亢池氐北一星曰天乳主甘
露房西二星南北列曰天福東咸西咸各四星在房
心北鍵閉一星在房東北天市垣二十五星在房心
東北帝坐一星在天市中侯星西侯一星在帝坐東
北宦者四星在帝坐西南宗正二星在帝坐東南宗
大夫也宗人四星在宗正東族人有序則如綺文而

明正宗星二在候星東宗室之象也天江四星在尾
北天籥八星在南斗柄西建星六星在南斗北東南
四星曰狗國北二星曰天鷄天辯九星在建星北河
鼓三星旗九星在牽牛北左旗九星在鼓旁旗端四
星南北列曰天桴離珠五星在須女北天津九星橫
河中騰蛇二十二星在營室北王良五星在奎北居
河中天子奉車御官也其四星曰天駟旁一星曰王
良亦曰天馬前一星曰策星閣道六星在王良前飛
道也傳路一星在閣道南東壁北十星曰天廐天將

軍十二星在婁北南一星曰軍南門太凌八星在胃
北北九星曰天船昴西二星曰天街卷舌六星在昴
北五車五星三柱九星在畢北其中五星曰天潢天
潢南三星曰咸池五車南六星曰諸王其西八星曰
八穀天關一星在五車南東井鉞前四星曰司怪司
怪西北九星曰坐旗坐旗西四星曰天高天高西一
星曰天河南河北河各三星夾東井南河南三星曰
闕丘五諸侯五星在東井北一曰帝師二曰帝友三
曰三公四曰博士五曰太史此五者常爲帝定疑議

五諸侯南三星曰天樽積水一星在北河西北積薪
 一星在積水東北水位四星在積薪東軒轅十七星
 在七星北軒轅右角南三星曰酒旗酒旗南三星曰
 天相軒轅西四星曰燿燿北四星曰內平少微四星
 在太微西士大夫之位也一日處士或曰博士官明
 大而黃賢士舉也南四星曰長垣
 李尋曰紫宮極樞通位帝紀太微四門廣開大道五
 經六緯尊顯術士翼張舒布燭臨四海少微處士為
 北為輔故次帝廷女宮在後聖人承天賢賢易色取

法於此春秋緯紫微宮為上帝太微為大庭上天官上相上將皆顯面
 正朝○中宮天極星其一明者太乙常居三公侍旁
 藩臣環翊璇璣玉衡高揭衡峙文昌泰階森布暉映
 其垣為紫微其象為樞紐在人則廣朝路寢造命出
 政之廷萬方之所內面而觀印也蒼龍主東赤鳥司
 南於菟神龜儼列西北其舍二十有八其度三百六
 十有五在人則九畿五服庶邦庶尹之位上之所賴
 以榦方而作屏也昊穹無言示人以象在上欲其宅
 心正德秉綱執要以為四方之極在下欲其叶恭和

三海集 卷之一
○對乎在天○
○袁并志壹慮以同尊乎五位之極端其在我即所以○

二十八舍

漢志

史天官書同

東宮蒼龍房心心為明堂大星天王前

後星子屬房為天府曰天駟其陰右驂旁兩星曰衿

衿北一星曰牽東北曲十二星曰旗旗中四星曰天

市房南眾星曰騎官左角李李法官也右角將大角者天

王帝坐廷其兩旁各有三星鼎足句之曰攝提攝提

直斗杓所指以建時節故曰攝提格亢為宗廟史作疏廟

其南北兩大星曰天門氏為天根尾為九子箕為敖

客后妃之府○南宮朱鳥權衡衡太微三光之廷筐

衛十二星藩臣西將東相南四星執法中端門左右

掖門掖門內六星諸侯其內五星五帝坐後聚十五

星曰哀烏郎位旁一大星將位也藩西有隨星四隨史

作隋又曰少微士大夫權軒轅黃龍體晉隋志軒轅十七星在七

北星前大星女主象旁小星御者後宮屬東井為水事

其西曲星曰鉞北北河南南河兩河天闕間為關梁

輿鬼鬼祠事柳為鳥喙主木草七星頸為員宮張喙

為厨主觴客翼為羽翮主遠客軫為車主風其旁一
 小星曰長沙星軫南衆星曰天庫○西宮咸池曰天
 五潢五帝車舍奎曰封豨為溝瀆婁為聚衆胃為天
 倉其南衆星曰膚積昴曰旄頭胡星也畢口罕車為
 邊兵其大星旁小星為附耳昴畢間為天街參為白
 虎三星直者是為衡石下有三星銳曰罰其外四星
 左右肩股也觜觶為虎首主葆旅事其南有四星曰
 天厠厠下一星曰天矢其西有句曲九星三處羅列
 一曰天旗二曰天苑三曰九游東大星曰狼下四星

曰弧直狼北地有大星曰南極老人老人見治安不
 見兵起常以秋分時候之南郊○北宮玄武虛危危
 為蓋屋虛為哭泣其南有衆星曰羽林天軍軍西為
 壘或曰鉞旁有一大星為北落危東六星兩兩而比
 曰司寇營室為清廟曰離宮閣道漢中四星曰天駟
 旁一星曰王梁史作良旁有八星絕漢曰天橫史作潢旁
 江星杵白四星在危南匏瓜南斗為廟其北建星建
 星者旗也牽牛為犧牲其北河鼓婺女其北織女天
 女孫也

晉志

隋志同

東方角二星為天闕其間天門也其內天

庭也黃道經其中七曜之所行也左角為天田為理

右角為將其星明大王道太平亢四星天子之內朝

氏四星王者之宿宮房四星為明堂天子布政之宮

也亦四輔也中間為天衢為天闕黃道之所經也七

曜由乎天衢則天下和平又北二小星曰鈞鈐天之

管籥心三星天王正位也中星曰明堂天子位為大

辰漢五行志劉向以為星傳日心大尾九星妃后之

府星天王也前星太子後星庶子也尾九星妃后之

主八風北方南斗六星天廟也亦為壽命之期牽牛

六星天之關梁須女四星天少府虛二星冢宰之官

危三星主天府墳墓四星屬危之下營室二星天子

之宮也離宮六星天子之別宮東壁二星圖書之秘

府也星明王者興道術行國多君子西方奎十六星

天之武庫也婁三星為天獄胃二星天之厨藏昴七

星天之耳又為旄頭胡星也天子出旄頭罕畢以前

驅畢八星主弋獵附耳一星在畢下觜觿三星為三

軍之候明則軍儲盈將得勢參十星黃帝占參應七

將南方東井八星天之南門黃道所經用法平則井
星明而端列鉞一星附井之前與鬼五星天目也柳
八星主雷雨星七星主衣裳文繡張六星主珍寶宗
廟翼二十二星主天之樂府星明大禮樂興四夷賓
動則蠻夷使來軫四星冢宰輔臣也軫星明則車駕
備轄星傳軫兩旁左轄為王者同姓右轄為異姓長
沙一星在軫之中隋志曰四方二十八宿星官在二
十八宿之外者庫樓十星在角南旁十五星三三而
聚者柱也中央四小星衝也東北二星曰陽門南門

二星在庫樓南平星二星在庫樓北天門二星在平
星北亢南七星曰折威頓頑二星在折威東南騎官
二十七星在氏南若天子武賁主宿衛東端一星騎
陣南三星車騎陣車三星在騎官東北積卒十二星
在房心南從官二星在積卒西北龜五星在尾南傳
說一星在尾後魚一星在尾後河中杵三星在箕南
糠一星在箕舌前杵西北鼈十四星在南斗南農丈
八一星在南斗西南狗二星在南斗魁前天田九星
在牛南羅堰九星在牽牛東九坎九星在牽牛南九

坎間十星曰天池、虛南二星曰哭哭、東二星曰泣泣、南十三星曰天壘城、如貫索狀、敗臼四星在虛危南、危南二星曰蓋屋、其南四星曰虛梁、羽林四十五星在營室南、一曰天軍、主軍騎壘壁陣、十二星在羽林北、羽林之垣壘也、北落師門一星在羽林南北、長安城北門曰北落門、以象此也、北落西北有十星曰天錢、北落西南一星曰天綱、北落東南九星曰八魁、八魁西北三星曰鈇質、奎南七星曰外屏、外屏南七星曰天溷、天溷南一星曰土司空、婁東五星曰左更、西

九星曰右更、天倉六星在婁南、南四星曰天庾、天園十三星在胃南、天廩四星在昴南、天苑十六星在昴畢南、苑南十三星曰天園、畢附耳南八星曰天節、天節下九星曰九州、殊口畢柄西五星曰天陰、參旗九星在參西、玉井四星在參左、足下西南九星曰九游、東南四星曰軍井、軍市十三星在參東南、野鷄一星在軍市中、軍市西南二星曰丈人、丈人東二星曰子子、東二星曰孫、東井西南四星曰水府、東井南垣之東四星曰四瀆、狼一星在東井東南、北七星曰天狗、

張九星在狼東南、南弧南六星曰天社、昔共工氏之子
 句龍能平水土、故以配社、其精為星、老人之星在弧
 南、一曰南極、常以秋分之旦見于景、即丙春分之夕
 没于丁、見則治平、主壽昌、常以秋分候之南郊、柳南
 六星曰外厨、厨南一星曰天紀、稷五星在七星南、農
 正也、張南十四星曰天廟、天子之祖廟也、翼南五星
 曰東區、蠻夷星也、軫南三十二星曰器府、樂器之府
 也、青丘七星在軫東南、青丘西四星曰土司空、土司
 空北二星曰軍門、主營候、彪尾威旗、

漢天文志星者金之散氣其本曰人星眾國吉少則

凶也。注孟康曰星石也金石相生
 三五曆記星者元氣之英水之精

也。

河圖括地象川德布精上為星河精象為天漢

朱子易傳班固曰陰陽之精其本在地張衡曰地有

山嶽精鍾為星蓋星辰者地之精氣上發乎天而有

光耀者也星日之餘也辰月之餘也月生於日之所

照也眾星被耀因水轉光三辰同形陰陽相配其體

則良也。

河洛篇曰天中極星崑崙之墟天門明堂太山之精

中挺三台也五靈諸侯也岍岐荆山壺口雷首太嶽

砥柱東方之宿也析城王屋太行常山碣石西傾朱

圉北方之宿也鳥鼠太華熊耳外方桐栢嶓冢陪尾

西方之宿也荆山内方大别岷山衡山九江敷淺原

南方之宿也九隘之險九河之曲潏水三危汶江九

折上為列星

分野

晉志十二次度數費直說周易所言頗有先後費直

周易分野壽星起軫七度大火起氏十一析木起尾

九星紀起斗十玄枵起女六諏訾起危十四降婁起

奎二大梁起婁十實沈起畢九鶉首起井十二鶉火

起柳五鶉尾起張十三度

唐志雲漢自坤抵艮為地紀北斗自乾攜巽為天綱

乾維内為少昊之墟巽維外為列山氏之墟賁彖曰

文以察時變日陽也而為離月陰也而為坎緯星動

者陽也而太白辰星為陰經星不動者陰也而析木

鶉首為陽北斗振天二極不動故曰天文也繫辭

象在天成象在地成形象者形之精華發於上形者

舍主十二州角亢氐房心豫尾箕幽斗江湖牽牛
 婺女揚虛危青營室東壁并奎婁胃徐昂畢冀觜觸
 參益東井輿鬼雍柳七星張三河翼軫荆五星之分
 野若天官書秦之疆候太白占狼弧吳楚候熒惑占
 鳥衡燕齊候辰星占虛危宋鄭候歲星占房心晉亦
 候辰星占參罰中國在東南為陽日歲星熒惑填星
 占於街南畢主之西北胡貉旃裘引弓之民為陰月
 太白辰星占於街北昴主之秦晉好用兵復占太白
 胡貉數侵掠獨占辰星續漢志注星經歲星主泰山

徐青兗熒惑主霍山揚荆交鎮星主嵩高豫太自主
 華陰山涼雍益辰星主常山冀幽并北斗之分野若
 天官書杓自華以西南衡殷中州河濟之間魁海岱
 以東北星經玉衡一徐二益三冀四荆五兗六揚七
 豫八幽九并唐志杓以治外故鶉尾為南方負海之
 國魁以治內故陔訾為中州四戰之國是也河漢之
 分野若漢志南戒為越門北戒為胡門唐志山河之
 象存兩戒觀兩河之象與雲漢所始終是也

漢天文圖籍

史天官書所見天變皆國殊窟穴家占物怪以合時
 應其文圖籍襍祥不法是以孔子論六經紀異而說
 不書○**前天文志**晉志馬續云凡天文在圖籍昭昭可知
 者經星常宿中外官凡百十八名積數七百八十三
 星皆有州國官宮物類之象其伏見蚤晚邪正存亡
 虛實闕陜及五星所行合散犯守陵歷鬪食彗孛飛
 流日月薄食暈適背穴抱珥垂蜺迅雷風祲怪雲變
 氣此皆陰陽之精其本在地而上發于天政失於此
 則變見於彼明君觀之而寤飭身正事若角亢氏沆

至翼軫荆甲齊至亥燕代秦占彗至晉占參而州國
 之象著焉三公三能上將貴相執法騎官文昌郎位
 諸侯羽林藩臣司寇而官名之象著焉泰一常居營
 堂閣道心為明堂房為天府亢為宗廟軫胃為庫倉
 箕為后妃之府及端門掖門帝坐車舍苑街清廟之
 屬皆宮象也槍棊矛盾駟驂衿牽旗市關梁彗矢杵
 白狼虎犧牲溝瀆之屬皆物象也

日月交會

太元測曰盛哉日乎丙明離章五色淳光夜則測陰

晝則測陽晝夜之測或否或臧陽推五福以類升陰
 幽六極以類降升降相關大正乃通經則有南有北
 緯則有西有東巡乘六甲與斗相逢歷以紀歲而百
 穀時雍中次六月闕其搏不如開明于西測日明始退也
 元攤日察龍虎之文觀鳥龜之理運諸來政繫之泰
 始極焉以通璇璣之統正玉衡之平元瑩曰天元
 咫尺日月紀數斗振天而進日違天而退元告曰
 地坎而天巖月遄而日湛注日月行十三度故疾日月行一度故遲
 月令注日月之行一歲十二會聖王因其會而分之

以為大數觀斗所建命其四時正義凡二十八宿
 及諸星皆循天左行一日一夜一周天一周天之外
 更行一度一年三百六十五周天四分度之一日月
 五星則右行日一日一度月一日十三度十九分度
 之七此相通之數也今曆象之說月一日至四日行
 最疾日行十四度餘五日至八日次疾日行十三度
 餘九日至十九日行遲日行十二度餘二十日至二
 十三日又小疾日行十三度餘二十四日至晦又最
 疾日行十四度餘此月行之大率也周髀云日猶

火月猶水火則外光水則含景故月光生於日所照
 魄生於日所蔽當日則光盈就日則明盡○周禮大
 師職云十一月辰在星紀十二月玄枵正姬訾二降
 婁三大梁四實沈五鶉首六鶉火七鶉尾八壽星九
 大火十析木此一歲十二會也兩月各有二十九日
 強半之日合兩半而成一日是月一大一小之外仍
 有餘分一年總三百五十四日是十二會之實數也
 仍少十一日四分日之一未得周天聖王總以三百
 六十五日四分日之一為十二會之大數每辰有三

十度九十六分度之四十二是分之為大數也○季

冬日窮于次次舍月窮于紀紀會星回于天注言日

月星辰運行于此月皆周市於故處○正義日還次

玄枵月與日還復會于玄枵二十八宿隨天而行每

日雖周天一而早晚不同至此月復故處

左傳昭七年晉伯瑕日月之會是謂辰故以配日

傳又曰龍尾伏辰注日月之會
 日辰日在尾故尾星伏不見

洪範正義張衡蔡邕王蕃等說渾天云天體圓如彈

圓北高南下北極出地上三十六度南極入地下三

十六度南極去北極直徑北二十二度弱其依天體
隆曲南極去北極百八十二度強當天之中二極中
等之處謂之赤道去南北極各九十一度春分日行
赤道從此漸北夏至赤道之北二十四度去北極六
十七度去南極百十五度日行黑道從夏至後日漸
南至秋分還行赤道與春分同冬至行赤道之南二
十四度去南極六十七度去北極百十五度日行處
謂之黃道又有月行之道與日道相近交終而過半
裏半表當交則兩道相合交去極遠處兩道相去六
度此日月行道之大畧也

春秋正義日月同處日被月映而形魄不見云日有
食之以月不可見故不言月日食者月掩之也日月
之道互相出入或月在日表從外入內或月在日裏
從內出外道有交錯故日食朔則交會故食必在朔
自隱元年盡哀二十七年積二百五十五年凡三千
一百五十四月唯三十七食是雖交而不食也襄二
十一年九月十月頻食一十四年七月八月頻食是
頻交而食也劉歆三統以爲五月二十三分月之二

十而日一食空得食日而不得加時漢末劉洪作乾
 象曆始推月行遲疾求日食加時後代修之漸益微
 密今為曆者推步符合但無頻日食法漢初以來殆
 將千歲為曆者皆一百七十三日有餘而始一交會
 未有頻日食者漢書高祖三年十月十一月晦日頻
 食則日有頻食之理○蘇氏曰交而食陽微而陰乘
 之也交而不食陽盛而陰不能掩也○朱氏曰天最
 健一日一周而過一度日之健次於天而少遲常不
 及天一度月尤遲一日常不及天十三度有奇曆家

筭所退之度云日行一度月行十三度有奇此乃截
 法故有日月五星右行之說其實非右行也○楊子
 或問星有甘石曰在德不在星德隆則星隆則
 畧德

黃裳天文圖曰經星三垣二十八舍中外官星是也

二百八十三官一千五百六十五星其星不動三垣
 紫微太微天市也二十八舍東西南北皆七宿中外
 官星如三台諸侯九卿之類象官如鷄狗狼魚龜鼈
 之類象物如離宮閣道華蓋五車之類象事經星守

常位如百萬民守職業而聽命於七政○緯星五行
之精歲熒惑填太白辰并日月為七政天行速七政
行遲故與天俱東出西入五星輔日月旋五氣如六
官分職而治天漢四瀆之精起鶉火至箕尾十二辰
斗綱所指謂之月建○十二次日月所會玄枵至姬
訾○十二分野辰次所臨天為十二辰十二次地為
十二國十二州○楊子曰史以天占人聖人以人占
天○
角亢鄭壽星辰氏房心宋大火卯尾箕燕析木寅

斗牽牛吳星紀並須女虛危齊玄枵子營室東壁
衛陬訾亥奎婁胃魯降婁戌昴畢趙大梁酉觜觶
參伐晉實沈中東井輿鬼秦鶉首未柳星張周鶉
火午翼軫楚鶉尾巳

周天曆度

周髀筭經昔者周公問於商高曰竊聞乎大夫善數
也請問古者包犧立周天曆度注云建章蒨之法易
曰包犧仰則觀象於
天俯則觀法於地○漢歷
志自伏羲畫八卦由數起夫天不可階而升地不可
得尺寸而度請問數安從出商高曰數之法出於圓

方注。圓方者天地之數。圓出於方。方出於矩。矩出於九九

八十一。故折矩以爲句。廣三股。修四徑。隅五。既方之

外半其一。矩環而共盤。得成三。四、五、兩矩共長二十

有。五是謂積矩。故禹之所以治天下者。此數之所生

也。注。禹望山川之勢。周公曰。大哉言數。請問用矩之道

商高曰。平矩以正繩。偃矩以望高。覆矩以測深。臥矩

以知遠。環矩以爲圓。合矩以爲方。方屬地。圓屬天。天

圓地方。注。北極之下。高人所居。六萬里。滂沱四隤。而

歸而不殊途。隆高齊軌而易以方數爲典。以方出圓

筮以寫天。天青黑。地黃赤。天數之爲筮也。青黑爲表

丹黃爲裏。以象天地之位。是故知地者智。知天者聖

智出於句。句出於矩。夫矩之於數。其裁制萬物。唯所

爲耳。周公曰。善哉。晉天文志。蔡邕所謂周髀者。卽

蓋天之說也。其本庖犧氏立周天歷度。其所傳則周

公受於殷。商周人志之。故曰周髀。髀股也。股者表也

其言天似蓋。筮地法覆槃。天地各中高外下。北極之

下爲天地之中。其地最高。而滂沱四隤。三光隱映。以

爲晝夜。

黃帝泰階六符

漢東方朔傳上使太中大夫吾丘壽王與待詔能用

筭者二人舉籍阿城以南音盤音厓音以東宜春以西

為上林苑建元三年壽王奏事時朔在旁進諫曰謙遜靜

愨天表之應應之以福驕溢靡麗天表之應應之以

異臣願陳泰階六符以觀天變不可不省是日因奏

泰階之事注孟康曰泰階三台也每台二星凡六星

符六星之符驗也應劭曰黃帝泰階六符經曰泰階

者天之三階也上階為天子中階為諸侯三公下階

為士庶人上階上星為男主下星為女主中階上星

為諸侯三公下星為卿大夫下階上星為元士下星

為庶人三階平則陰陽和風雨時社稷神通示咸獲

其宜天下大安是為泰平云云天子行暴令好興甲

兵修宮榭廣苑囿則上階為之奄奄疏闊也以孝武

有此失故朔陳之

黃帝推分星次

帝王世紀

皇甫謐作見劉昭注補後漢郡國志

自天地設闢未有經界之制三皇尚矣諸子稱神農之王天下地東西九十

萬里南北八十五萬里及黃帝受命始作舟車以濟
 不通乃推分星次十二次也以定律度規車區占星圖苞授
 法自斗十一度至婺女七度一名須女日星紀之次
 於辰在丑謂之赤奮若於律為黃鍾斗建在子今吳
 越分野自婺女八度至危十六度日玄枵之次一名
 天龍於辰在子謂之田敦於律為大呂斗建在丑今
 齊分野自危十七度至奎四度日豕韋之次一名姬
 訾於辰在亥謂之大淵獻於律為太簇斗建在寅今
 衛分野自奎五度至胃六度日降婁之次於辰在戌

謂之闔茂於律為夾鍾斗建在卯今魯分野自胃七
 度至畢十一度日大梁之次於辰在酉謂之作噩於
 律為姑洗斗建在辰今趙分野自畢十二度至東井
 十五度日實沈之次於辰在申謂之涪音敦灘於律為
 中呂斗建在巳今晉魏分野自井十六度至柳八度
 日鶉首之次於辰在未謂之協洽於律為蕤賓斗建
 在午今秦分野自柳九度至張十七度日鶉火之次
 於辰在午謂之敦牂一名大律於律為林鍾斗建在
 未今周分野自張十八度至軫十一度日鶉尾之次

於辰在巳謂之大荒落於律為夷則斗建在申今楚
分野自軫十二度至氏四度曰壽星之次於辰在辰
謂之執徐於律為南呂斗建在酉今韓分野自氏五
度至尾九度曰大火之次於辰在卯謂之單闕音殫
於律為無射斗建在戌今宋分野自尾十度至斗十
度百三十五疑脫一字而終曰析木之次於辰在寅謂之
攝提格於律為應鍾斗建於亥今燕分野凡天有十
二次日月之所躔也地有十二分王侯之所國也故
四方方七宿四七二十八宿合一百八十二星東方

蒼龍三十二星七十五度北方玄武三十五星九十
八度四分度之一西方白虎五十一星八十度南方
朱雀六十四星百二十度周天三百六十五度四分
度之一一度二千九百三十二里分為十二次一次
三十度三十二分度之十四各以附其七宿間距周
天積百七萬九百一十三里徑三十五萬六千九百
七十一里陽道左行故太歲右轉凡中外官常明者
百二十四可名者三百二十各二千五百里微星之
數凡萬一千五百二十里萬物所受咸繫命焉此黃

帝制之大畧也

堯考星中

堯典

乃命羲和欽若昊天曆象日月星辰敬授人時

日中星鳥以殷仲春

注日中謂春分之日鳥南方朱

仲春之氣節轉以

日永星火以正仲夏

推季孟則可知

宵中星虛以殷仲秋

舉中則七星見可知

日短星昴以正仲

仲夏之氣節季孟亦可知

言夜互相備虛玄武之中星亦言

冬亦以七星並見以正冬之三節

周九州星土

星紀吳越也玄枵齊也姬訾衛也降婁魯也大梁趙

也實沈晉也鶉首秦也鶉火周也鶉尾楚也壽星鄭

也大火宋也析木燕也○春秋正義諸侯祭其分野

之星在地之土各有上天之分見於傳紀者云商主

大火參為晉星云龍宋鄭之星則蒼龍之方在宋鄭

之分也以害鳥帑周楚惡之則朱鳥之方在周楚之

分也四月日食魯衛惡之則春分之日在魯衛之分

也歲在顓帝之虛姜任實守其地則於時歲星在齊

薛之分也越得歲而吳伐之凶則於時歲星在吳越

之分也。晉語云：實沈之虛，晉人是居。周語云：歲在鶉火，我有周之分野。是有分野之言也。以九州當十二次，周禮雖云皆有分星，不知其分誰分之也。星紀在於東北，吳越實在東南，魯衛東方諸侯，遙屬戌亥之次。又三家分晉，方始有趙，而韓魏無分，趙獨有之。漢書地理志：分郡國以配諸次。詳見後其地分或多或少，鶉首極多，鶉火甚狹，徒以相傳為說，其源不可得聞。分野或有妖祥，為占多得其效。蓋古之聖哲，有以度知，非後人所能測也。

風角

保章氏以十二風察天地之和。注十二辰氣為風疏

師曠吹律以觀楚強弱。服注北風無射，夾鍾以北南

風姑洗以南。師曠歌南風北風

考異郵曰：陽立于五極，于九五九四十五日一變。以

陰合陽，故八卦主八風，距同各四十五日。艮為條，震

為明庶，巽為清明，離為景坤，為涼苑，為閭闔，乾為不

周坎為廣莫。通卦驗云：冬至廣莫風云云，三六九，十

二月皆不見風，惟有八以當八卦八節四維之風，主

兩月雨水猛風與條風俱在正月則猛風非八卦之

風、吳子曰將戰之時審候風所從來風順致呼而從之

風逆堅陳以待之○**文選注**兵書曰凡候風法以雞

羽重八兩建五丈旗取羽繫其巔立軍營中

魏相奏曰應廣莫而修刑則明庶而施惠待閭闔而

藏庶物候不周而謹邊備

蔡邕星次度數

後曆志劉昭注月令章句曰周天三百六十五度四

分度之一分爲十二次日月之所躔也地有十二分

王侯之所國也每次三十三度三十三分之十四日

至其初爲節至其中爲中氣豕韋自危十度至壁八

衛降婁壁八至胃一大梁胃一至畢六實沈趙六

至井十鶉首井十至柳三鶉火柳三至張十

夏小滿立鶉尾張十二至軫六壽星軫六至亢八大

暑鶉尾立析木尾四至斗六星紀斗六至

火亢八至尾四析木尾四至斗六星紀斗六至

皇甫謚不同兼明氣節所在故載焉

晉乾象五星法

魏楊偉曰五星行天遲疾留逆雖大率有常至犯守逆順難以術推月之行天猶有遲疾况五星乎唯日之行天有常進退有率不遲不疾不外不內人君德也

後魏觀象賦

後魏書張淵

北史作張深

明占候曉内外星分為太史令

著觀象賦言天文甚備陟秀峯以遐眺望靈象於九霄觀紫宮之環周嘉帝坐之獨標瞻華蓋之陰藹何

虛中之迢迢觀閣道之穹隆想靈駕之電飄爾乃縱目遠覽傍極四維北鑿璣衡南觀太微三台皦皦以雙列皇座罔罔以垂暉虎賁執銳於前階常陳屯聚於後闈遂回情旋首次目文昌仰見造父爰及王良傳說登天而乘尾奚仲託精於津陽織女明列於河澹牽牛煥然而舒光五車亭柱於畢陰兩河俠井以相望灼灼群位落落幽紀設宮分職罔不悉置儲貳副天庭延三吏論道納言各有攸司將相次序以衛守九卿珠連而內侍天街分中外之境四七列九土

之異左則天紀槍楛攝提大角二咸防奢七公理獄
 庫樓炯炯以灼明騎官騰驤而奮足天市建肆於房
 心帝坐礫落而電燭前則老人天社清廟所居明堂
 配帝靈臺考符丈人極陽而慌忽子孫嚙嚙於參嵎
 天狗接狼以吠守野鷄伺晨於參墟右則大微軒轅
 皇后之位嬪御相字脫尊卑有秩御宮典儀女使執
 筆內平秉禮以伺邪天牢禁愆而察失於後則有車
 府傳舍匏瓜天津扶匡照曜麗珠珮珍人星麗立以
 閑逸哭泣連屬而趨墳河鼓震雷以礪音轟磕音慨騰蛇

蟠縈而輪菌於是周張高眇還旋辰極既覲鈞陳中
 禁復覩天帝休息漸臺可升離宮可卽酒旗建醇醪
 之旌女牀列窈窕之色輦道屈曲以微煥附路立于
 雲閣之側其列星之表五車之間乃有咸池鴻沼玉
 井天淵建木百果竹林在焉江河炳著於上穹素氣
 霏霏其帶天神龜曜甲於清泠龍魚摘光以映蓮又
 有南門鼓吹器府之官奏彼絲竹為帝娛懽熊羆綿
 絡於天際虎豹儵音倏煜而暉爛弧精引弓而持滿狼
 星搖動於霄端其外則有燕秦齊趙列國之名雷電

霹靂雨落雲征陳車策駕於氏南天駟騁步於太清
 園苑周回以曲列倉廩區別而殊形內則尚書大理
 太一天一之宮柱下著術傳示無窮六甲候大帝之
 所須內厨進御膳于皇躬天船橫漢以普濟積水候
 災于其中陰德播洪施以恤不足四輔翼皇極以闡
 元風恢恢太虛寥寥帝庭五座並設爰集神靈乃命
 熒惑伺彼橋盈執法刺舉於南端五侯議擬於水衡
 金水時出以成緯七宿正衛而為經曄曄昱其並曜
 粲若三星之榮覩夫天官之羅布故作則於華京及

其災異之興出無常所歸邪續紛飛流電舉妖星起
 則殃及晉乎訛字蛇乘龍則禍連周楚或取證於逢公
 或推變於衝午乃有欽明光被填逆水府洪波滔天
 功隆大禹此則冥數之大運非治綱之失緒蓋象外
 之妙不可以麤理尊重元之內難以熒燎覩至於精
 靈所感迅踰駭嚮荆軻慕丹則白虹貫日而不徹衛
 生畫策則太白食昴而擣朗魯生指麾而曜靈為之
 回駕嚴陵來遊而客星著於乾象斯皆至感動於神
 祇誠應效於既往爾乃四氣鱗次斗建辰移雖無聲

言三光是知星中定於昏明影度以之不差測水旱
於未然占方來之安危陰精乘箕則大颶暮鼓西南
入畢則淫雨滂沱譬猶晉鍾之應銅山風雲之從班
螭若夫冥車潛駕時乘六虬大儀四運萬象俱流北
斗俄其西傾群星忽以匿幽望舒縱轡以騁度靈淪
浹且以過周爾乃凝神遠矚曬日八荒察之無象視
之眇茫狀若渾元之未判別又似浮海而觀滄浪幽
遐迥以希夷寸眸焉能究其傍於是乎夜對山水棲
心高鏡遠尋終古悠然獨詠美景星之繼晷大唐堯

之德盛嘉黃星之靡鋒明虞舜之不競疇呂尚之宵
夢善登輔而翼聖欽管仲之察徵見虛危而知命歎
熒惑之舍心高宋景之守政壯漢祖之入秦竒五緯
之聚映爾乃歷象既周相佯巖際尋圖籍之所記著
星變乎書契監前代之將淪咸譴告於昏世桀斬諫
以星孛紂酖荒而致彗常不見以周衰枉蛇行而秦
滅諒人事之有由豈妖災之虛設誠庸主之難悛故
明君之所察堯無爲猶觀象而况德非乎先哲

五星議曰五事感於中而五行之祥應于下五緯之變彰於上若聲發而嚮和形動而景隨故王者失典刑之正則星辰爲之亂行汨彞倫之叙則天事爲之無象五星留逆伏見之效表裏盈縮之行皆係於時象於政日月所以著尊卑不易之象五星所以示政教從時之義故日月之失行微而少五星之失行著而多

歲星

東春木五常仁五事貌赤黃而銳其野大穰

熒惑

南夏火禮視

填

中央季夏土信

太白

西秋金義言

辰

北冬水知聽

唐步天歌

王希明丹元子

或云丹元子希明號

步天歌曰

東方角

兩星南

比正直著中有平道上天田總是黑星兩相連別有

一鳥名進賢平道右畔獨淵然最上三星周鼎形角

下天門左平星雙雙橫於庫樓上庫樓十星屈曲明

樓中柱有十五星三三相著如鼎形其中四星別名

衡南門樓外兩星橫亢四星恰似彎弓狀大角一星

直上明折威七子亢下橫大角左右攝提星三三相

似如鼎形折威下左頓頑星兩個斜安黃色精頑下

二星號陽門色若頓頰直下蹲氏四星似斗側量米
天乳氏上黑一星世人不知稱無名一個招搖梗河
上梗河橫列三星狀帝度三黑河之西亢池六星近
攝提氏下衆星騎官出騎官之衆二十七三三相連
十欠一陣車氏下騎官次騎官下三車騎位天輻兩
星立陣傍將軍陣裏振威霜房四星直下主明堂鍵
閉一黃斜向上鈎鈐兩個近其傍哥有三星植鍵上
兩咸夾罰似房狀房下一星號爲日從官兩個日下
出心三星中夾色最深下有積卒共十二三三相聚

心下是尾九星如鉤蒼龍尾下頭五點號龜星尾上
天江四橫是尾東一個名傳說傳說東畔一魚子龜
西一室是神宮所以列在后妃中箕四星形狀如簸
箕箕下三星名木杵箕前一黑是糠皮北方斗六星
其狀似北斗魁上建星三相對天弁建上三三九斗
下圓安十四星雖然各鼈貫索形天鷄建背雙黑星
天籥柄前八黃精狗國四方鷄下生天淵十星鼈東
邊更有兩狗斗魁前農家丈人狗下眠天淵十黃狗
色玄牛六星近在河岸頭頭上雖然有兩角腹下從

來欠一脚。牛下九黑。是天田。田下三三九坎。連牛上直建三河鼓。鼓上三星。號織女。左旗右旗各九星。河鼓兩畔右邊明。更有四黃名天桴。河鼓直下如連珠。羅堰三鳥牛東居。漸臺四星似口形。輦道東足連五丁。輦道漸臺在何許。欲得見時近織女。女四星如箕主嫁娶。十二諸國在下陳。先從越國向東論。東西兩周次二秦。雍州南下雙雁門。代國向西一晉伸。韓魏各一晉北輪。楚之一國魏西屯。楚城南畔獨燕軍。燕西一郡是齊隣。齊北兩邑平原君。欲知鄭在越下存。

十六黃星細區分。五個離珠女上星。敗瓜珠上瓠瓜生。兩個各五瓠瓜。明天津九個彈弓形。兩星入牛河中橫。四個奚仲。天津上七個仲。側扶箱星。虛上下各一如連珠。命祿危非虛。上呈虛危之下。哭泣星。哭泣雙雙下壘城。天壘團圓十二星。敗白四星。城下橫。白西三個離瑜明。危三星不直。舊先知危上五黑。號人星。人下三知杵。白形人上七烏。號車府。府上天鈞。九黃晶鈞。上五鴟。字造父。危下四星。號墳墓。墓下四星。斜虛梁。十個天錢。梁下黃墓。傍兩星。能蓋屋。身著黑。

衣危下宿室兩星上有離宮出遶室三雙有六星下
 頭六個雷電形壘壁陣次十二星十二兩頭大似井
 陣下分布羽林軍四十五卒三為群軍西四星多難
 論仔細歷歷看區分三粒黃金名鉄鉞一顆真珠北
 落門門東八魁九個子門西一宿天綱是電傍兩黑
 土公吏騰蛇室上二十二壁兩星下頭是霹靂霹靂
 五星橫著行雲雨次之曰四方壁上天廡十圓黃鉄
 鑽五星羽林傍西方奎腰細頭尖似破鞋一十六星
 遶鞋生外屏七鳥奎下橫屏下七星天溷明司空左

畔土之精奎上一宿軍南門河中六個閣道形附路
 一星道傍明五個吐花王良星良星近上一策名婁
 三星不勻近一頭左更右更烏夾婁天倉六個婁下
 頭天廡三星倉東脚婁上十二將軍侯胃三星鼎足
 河之次天廡胃下斜四星天茵十二如乙形河中八
 星名太陵陵北九個天船名陵中積尸一個星積水
 船中一黑精昴七星一聚實不少河西月東各一星
 月下五黃天陰名陰下六烏芻藁營營南十六天苑
 形河裏六星名卷舌舌中黑點天讒星礪石舌傍斜

四丁畢恰似仄义八星出附耳畢股一星光天街兩
星畢背傍天節耳下八鳥幢畢上橫列六諸王王下
四皂天高星節下團圓九州城畢口斜對五車口車
有三柱任縱橫車巾疑中五個天潢精潢畔咸池三
黑星天關一星車脚邊參旗九個參車間旗下直建
九旂連旂下十三鳥天園九旂天園參脚邊背三星
相近作參藥背上坐旗直指天尊卑之位九相連司
怪曲立坐旗邊四鴟大近井鉞前參總有七星背相
侵兩肩雙足三為心伐有三星足裏深玉井四星右

足陰屏星兩扇井南襟軍井四星屏上吟左足下四
天廁臨廁下一物天屎沉南方井八星行列河中淨
一星名鉞井邊安兩河各三南北正天樽三星井上
頭樽上橫列五諸侯侯上比河西積水欲覓積薪東
畔是鉞下四星名水府水位東邊四星序四瀆橫列
南河裏南河下頭是軍市軍市團圓十三星中有一
個野鷄精孫子丈人市下列各立兩星從東說闕丘
三個南河東丘下一狼光蓬茸左畔九個彎弧弓一
矢擬射頑狼胸有個老人南極中春秋出來壽無窮

三○海○集
卷之十一
三○三○相○連○張○畔○附○必○若○不○能○分○處○所○更○請○向○前○看○野
取○五○個○黑○星○翼○下○頭○欲○知○名○字○是○東○甌○軫○四○星○似○張
翼○相○近○中○央○一○個○長○沙○子○左○轄○右○轄○附○兩○星○軍○門○兩
黃○近○翼○是○門○下○四○個○上○司○空○門○東○七○烏○青○丘○子○青○丘
之○下○名○器○府○器○府○之○星○三○十○二○以○上○便○爲○太○微○宮○黃
道○向○上○看○取○是○太○微○宮○上○元○太○微○宮○昭○昭○列○象○在○蒼
穹○端○門○只○是○門○之○中○左○右○執○法○門○西○東○門○左○皂○衣○一
謁○者○以○次○卽○是○烏○三○公○三○黑○九○卿○公○背○傍○五○黑○諸○侯
卿○後○行○四○個○門○西○主○軒○屏○五○帝○內○坐○於○中○正○宰○臣○太
鬼○四○星○冊○方○似○木○櫃○中○央○白○者○積○尸○氣○鬼○上○四○星○是
燿○位○天○狗○七○星○鬼○下○是○外○厨○六○間○柳○星○次○天○社○六○個
弧○東○倚○社○東○一○星○是○天○紀○柳○八○星○曲○頭○垂○似○柳○近○上
三○星○號○爲○酒○享○宴○大○脯○五○星○守○星○七○星○如○鈞○柳○下○生
星○上○十○七○軒○轅○形○軒○轅○東○頭○四○內○平○平○下○三○個○各○天
相○相○下○稷○星○橫○五○靈○張○六○星○似○軫○在○星○旁○張○下○只○是
有○天○廟○十○四○之○星○冊○四○方○長○垣○少○微○雖○向○上○星○數○歛
在○太○微○傍○天○尊○一○星○直○上○黃○翼○二○十○二○星○大○難○識○上
五○下○五○橫○著○行○中○心○六○個○恰○似○張○更○有○六○星○在○何○處

三○海○集
卷之十一
三○三○相○連○張○畔○附○必○若○不○能○分○處○所○更○請○向○前○看○野
取○五○個○黑○星○翼○下○頭○欲○知○名○字○是○東○甌○軫○四○星○似○張
翼○相○近○中○央○一○個○長○沙○子○左○轄○右○轄○附○兩○星○軍○門○兩
黃○近○翼○是○門○下○四○個○上○司○空○門○東○七○烏○青○丘○子○青○丘
之○下○名○器○府○器○府○之○星○三○十○二○以○上○便○爲○太○微○宮○黃
道○向○上○看○取○是○太○微○宮○上○元○太○微○宮○昭○昭○列○象○在○蒼
穹○端○門○只○是○門○之○中○左○右○執○法○門○西○東○門○左○皂○衣○一
謁○者○以○次○卽○是○烏○三○公○三○黑○九○卿○公○背○傍○五○黑○諸○侯
卿○後○行○四○個○門○西○主○軒○屏○五○帝○內○坐○於○中○正○宰○臣○太

子并從官。烏列帝後從東定。郎將虎賁居左右。常陳
 郎位居其後。常陳七星不相訣。郎位陳東一十五。兩
 面宮垣十星布。左右執法是其數。宮外明堂布政宮。
 三個靈臺候雲雨。少微四星西南隅。長垣震震鑊音微
 西居北門西。外接三台與垣相對無兵災。北極紫微
 宮中元北極紫微宮北極五星在其中。大帝之坐第
 二珠。第三之星庶子居。第一號曰為太子。四為后宮
 五天樞。一云第三明者帝之居。第四名日四庶子最小。第五天之樞。左右四星是
 四輔。天一太一當門路。左樞右樞夾南門。兩面營衛

十五。上宰少尉兩相對。少宰上輔次少輔。上衛少
 衛次上丞。後門東邊大贊府門西。喚作一少丞。以次
 却向前門數。陰德門裏兩黃聚。尚書以次其位。五女
 史柱史各一戶。御女四星五天柱。大理兩星陰德邊。
 勾陳尾指北極顛。勾陳六星六甲前。天皇獨在勾陳
 裏。五帝內座後門是。華蓋并杠十六星。杠作柄象華
 蓋形。蓋上連連九個星。名曰傳舍如連丁。垣外左右
 各六珠。右是內階左天厨。階前八星名八穀。厨下五
 個天棊宿。天床六星左樞在。內厨兩星右樞對。文昌

斗上半月形希疎分明六個星文昌之下曰三公太
 尊只向三公明天牢六星太尊邊太陽之守四勢前
 一個宰相太陽側更有三公相西徧卽是元戈一星
 圓天理四星斗裏暗輔星近着開陽淡一本云文昌之下三師名
 天牢六星四勢前更有三公相西偏卽是太陽一星圓天理云云北斗之宿七星明
 第一主帝名樞精第二第三璇璣是第四名權第五
 衡闔揚搖光六七名天市垣下亢一宮名天市兩扇
 垣墻二十二當門六角黑市樓門左兩星是車肆兩
 個宗正四宗人宗星一震亦依次帛度兩星屠肆前

候星還在帝坐邊帝坐一星常光明四個微茫宦者
 星以次兩星名列肆斗斛帝前依其次斗是五星斛
 是四垣北九個貫索星索口橫者七公成天紀恰似
 七公形數着分明多兩星紀北三星名女床此坐還
 依織女傍三元之象無相侵二十八宿隨其陰水火
 木土并與金以次別有五行吟

太一

天極之星明者太一也其佐乃有五帝其神寶首九
 宮古者天子東南之郊春秋必祭黃帝始著神曆之

法漢武乃置甘泉之祠元光二年始立祠畫北斗於牡荆永
祝宰以繡服建靈旗而指伐國奉瑄玉而見雲陽由
是太一之神遂為兵禱

堯渾儀

璿璣中而星未中為急急則日過其度月不及其宿
璿璣未中而星中為舒舒則日不及其度月過其宿
璿璣中而星中為調調則風雨時庶草繁廡而五穀
登萬事康也所言璿璣者謂渾天儀也

漢張衡渾天儀

張衡傳安帝雅聞張衡善學徵拜為郎再遷為太史
令遂乃研覈陰陽妙盡璇璣之正作渾天儀立八尺
員體以其天地之象以正黃道以察發歛以待日月
以步五緯著靈憲筭罔論隋志威帝延熹七年太
史令張衡更以銅製渾天儀以四分為一度周天一
丈四尺六寸一分亦於密室中以漏水轉之令伺之
者閉戶而唱之以告靈臺之觀天者璿璣所加某星
始見某星已中某星今沒皆如合符

漢陽嘉侯風地動儀

張衡順帝時爲太史令陽嘉元年秋七月復造候風地動儀以精銅鑄成員徑八尺合蓋隆起形似酒樽飾以篆文山龜鳥獸之形中有都柱傍行八道施關發機外有八龍首銜銅丸下有蟾蜍張口承之其牙機巧製皆隱在樽中覆蓋周密無際如有地動尊振則龍發機吐丸而蟾蜍銜之振聲激揚伺者因此覺之雖一龍發機而七首不動尋其方面乃知震之所_在驗之以事合契若神自典書所記未之有也嘗一龍發機而地不覺動京師學者咸怪其無證後數日

驛至果地震隴西於是咸服其妙自此以後乃令史官紀地動所從方起崔子玉爲其碑銘曰數術窮天地制作侔造化高才偉藝與神合契蓋由平子渾儀及地動儀有驗故也○隋志河中九星如鈞狀曰鈞星伸則地動房宿北一小星曰鈞鈞鈞鈞鈞之間有星及疎拆則地動○晏子曰吾見句星在房心之間地其動乎

唐楊炯渾天賦

上元三年楊炯補校書郎朝夕靈臺之下備見銅渾

之象作渾天賦云有爲宣夜之學者曰天常安而不動地極深而不測有稱周髀之術者曰陽動而陰靜天迴而地游天如倚蓋地若浮舟太史公盱衡而告曰言宣夜者星辰不可以闊狹有常言蓋天者漏刻不可以春秋各半周三徑一遠近垂於辰極東井南箕曲直殊於河漢明入於地葛稚川所以有辭候應於天桓君山由其發難嘗聞渾天之事歟地則方如棋局天則圓如彈丸天之運也一北而物生一南而物死地之平也景長而多暑景短而多寒部之以三門張之以八紀其周天也三百六十五度其去地也九萬一千餘里日居月諸天行地止載之以氣乘之以水驗之以衡軸考之以樞機三十五官有群生之繫命一十二次當下土之封畿中衡外衡不召自至黃道赤道殊途同歸昔者顓帝之命重黎司天而司地陶唐之命仲叔宅西而宅東其後宋有子韋鄭有裨竈魏有石氏齊有甘公唐都之推星王朔之候氣周文之視日吳範之占風有以見天地之情狀識陰陽之變通

熙寧渾儀議

黃道之度，度不可見，其可見者星也。日月五星之所由，有星焉，當度之畫者，凡二十有八，而謂之舍。舍所以擊度，度所以生數也。度在天者也。為之璣衡，則度在器。度在器，則日月五星可以轉乎器中，而天無所豫也。天無所豫，則在天者不為難知也。

周土圭

周禮大司徒以土圭之法測土深，正日景以求地中。日南景短，多暑；北景長，多寒；東景夕，多風；西景朝，多

陰。日至之景，尺有五寸，謂之地中。○**天文志**云：夏日至，立八尺之表，**通卦驗**亦云：立八神，植八尺之表，臬即表也。必八尺者，**案考靈曜**曰：從上向下八萬里，故以八尺為法也。於四角四中，故須八神，神即垂也。○**易氏解**曰：夏至日在南陸，躔東井，去極六十六度，有奇，而景尺有五寸。冬至日在北陸，躔牽牛，去極一百十六度，有奇，而景丈有三尺。春分日在西陸，躔於婁，秋分日在東陸，躔於角，去極九十一度，有奇，而其景均焉。日出於東，景在西，則識出景之端；日入於西，景

在東則識入景之端。兩端既定，中屈其所量之繩。而兩者相合，則地中可驗。又慮所規不正，復以出入之景與日中之景三者相參，故曰參。慮所參或偏，復以日中之景與極星之度兩者相攷，故曰攷。

漢五行傳說占應

尚書大傳維王后元祀帝令大禹步于上帝。王謂禹也，帝舜也。

也步推也，令禹推演天道。維時洪祀六沴，用咎于下。是用知不畏

而神之怒。若六沴作見，若是共禦，帝用不差。神則不怒，五福乃降。用章于下，若六沴作見，若不共禦，六伐

既侵六極，其下禹乃共辟厥德，受命休令。爰用五事

建用王極。或作皇極，鄭元曰五事。長事一曰貌，貌之

不恭，是為不肅。厥咎狂，厥罰常雨。厥極惡，時則有服

妖龜孽，鷄禍下體生於上之病。病也。青青祥，維金沴

木次二事，曰言言之不從，是謂不乂。厥咎僭，厥罰常

陽厥極憂，時則有詩妖介，蟲之孽。犬禍口舌之病，白

青白祥，維木沴。金次三事，曰視視之不明，是謂不慙。

厥咎荼。也。緩厥罰常燠，厥極疾。時則有草妖，倮蟲之孽。

羊禍目痾，赤青赤祥，維水沴。火次四事，曰聽聽之不

聰是謂不謀厥咎急厥罰常寒厥極貧時則有鼓妖
豕禍耳病黑青黑祥維火沴水次五事曰思心貌木
視火聽思心之不容當為是謂不聖厥咎雩音厥罰
常風厥極凶短折時則有脂夜之妖夜讀華孽牛禍
心腹之病黃青黃祥金木水火沴土王之不極是謂
不建厥咎雩厥罰常陰厥極弱時則有射妖虵龍之
孽馬禍下人伐上之病鄭元曰夏侯勝說伐宜為代○谷永曰明
王正五事建大中則庶證序於下○馬融對策大中
之道在天為北辰在地為人君○郭璞曰尚書有五

事共禦之術京房易傳有消復之救○隋志易以八
卦定吉凶書以九疇論休咎春秋以災祥驗行事漢
時有伏生董仲舒京房劉向之倫能言災異顧眎六
經有足觀者○五行之說大矣人君所以承天心正
九疇熙庶績也少皞以是命五官大禹以是叙彝倫
箕子以是陳洪範其用水火木金土其體貌言視聽
思其符肅父哲謀聖其咎狂僭豫急蒙其變妖孽祥
青禍病○律歷

玉海卷一
卷之一
罷

宓義律法

後漢律志京房曰十二律之變至於六十猶八卦之變至於六十四也宓義作易紀陽氣之初以為律法建日冬至之聲以黃鍾為宮太族為商姑洗為角林鍾為社徵南宮為羽應鍾為變宮蕤賓為變社此聲氣之元五音之正也故各終一日其餘以次運行當日者各自為宮而商社以類從焉禮運篇曰五聲六律十二管還相為宮此之謂也

黃帝律本 舜昭華璫

前漢律志五聲之本生於黃鍾之律九寸之宮或損

或益以定商角社羽九六相生陰陽之應也律十有

二陽六為律黃鍾太族姑洗蕤賓夷則亡射以統氣

類物陰六為呂林鍾南呂應鍾大呂夾鍾中呂以旅

陽宣氣有三統之義焉

晉志傳云黃帝使伶倫自大夏之西乃至昆侖之陰

阮隄山名山北曰陰取竹之嶰谷生其竅厚鈞者斷

西漢曰昆侖之陰兩節間長三寸九分而吹之以為黃鍾之宮曰含少

次制十二竹筩寫鳳之鳴雄鳴為六雌鳴亦六以一云

阮隲之下聽鳳凰以比黃鍾之宮皆可以生之以定
 律呂則律之始造以竹為管取其自然圓虛也呂不
 韋春秋言黃鍾之宮律之本也下生林鍾亦曰林鍾
 上生太簇太簇下生南呂南呂上生姑洗姑洗下生
 應鍾應鍾上生蕤賓蕤賓下生大呂大呂上生夷則
 夷則下生夾鍾亦曰夾鍾上生無射下生中呂亦曰中呂
 三分益一以上生三分去一以下生法鳳之雌雄故
 相生故曰黃鍾之宮皆可以生之律始於黃鍾又
 終於中呂律言其用呂言其體通謂之十二律又
 云黃帝作律以玉為管長尺六孔為十二月音至舜

時西王母獻昭華之琯以玉為之及漢章帝時零陵

文學奚景於冷道舜祠下得白玉琯度以為大尺相

傳謂之漢官尺說文云得武帝太康元年魏襄王家

得玉律古以玉為管取其體含廉潤也○大戴禮孔

子曰舜以天德嗣堯西王母來獻白琯○西京雜記

高祖初入咸陽周行府庫金玉珍寶不可稱言有玉

琯長二尺三寸二十六孔吹之則見車馬山林隱轡

相次吹息亦不復見銘曰昭華之琯

五代會要王朴曰樂作於人心而聲成於物物聲既

成復能感入之心昔黃帝吹九寸之管得黃鍾之聲
為樂之端半之為清聲倍之為緩聲三分損益之以
生十二律十二律旋相為宮以生七調為一均凡十
二均八十四調而大備

隋律志昔者淳古葦籥創觀人籟之源女媧笙簧仍
昭鳳律之首後聖廣業稽古彌崇伶倫含少乃擅比
竹之工虞舜昭華方傳刻玉之美書稱同律度量衡
又曰予欲聞六律五聲八音七始訓以出納五言此
皆候金常而列管憑璿機以運鈞統三極之元紀七

衡之響可以作樂崇德殷薦上帝○**後魏志**昔黃帝
採竹昆崙之陰聽鳳岐陽之下斷自然之物寫自然
之音音既協矣黃鍾以立數既生矣氣亦證之於是
備數和聲審度嘉量權衡之用皆出於茲

周玉律

周語景王將鑄無射問律於伶州鳩對曰律所以立
均出度也紀之以三平之以六成於十二天之道也
夫六中之色也故名之曰黃鍾由是第之二曰大簇
三日姑洗四曰蕤賓五日夷則六曰無射為之六間

以揚沈伏而黜散越也。元間大呂二間夾鍾三間中
 呂四間林鍾五間南呂六間應鍾。○太元經六始為
 律六間為呂。注陽為始陰為間於子為律於丑為呂
 ○宋志下生者倍以三除之上生者四以三除之。○
 左傳晏子曰一氣二體文武三類風雅四物五聲六
 律七音八風九歌以相成也。清濁小大短長疾徐哀
 樂剛柔遲速高下出入周疏以相濟也。

周七律

國周語景王將鑄無射問律於伶州鳩王曰七律者

何對曰昔武王伐殷歲在鶉火歲星在張月在天駟

月宿房日在析木之津津天漢也辰在斗柄日月合辰

斗前星在天鼇辰星也天鼇次名一日玄樛星與日

一度辰之位皆在北維北方顓帝之所建也帝嚳受之我

姬氏出自天鼇玄樛齊之分野及析木者有建星及

牽牛焉皆水則我大姜之侄伯陵之後逢公之所馮

神也歲之所在則我有周之分野也鶉火周月之所

在辰馬農祥也辰馬房心星也房我太祖后稷之所

經緯也稷播王欲合是五位三所而用之五位歲月

所逢公所馮周分野后稷言三詩大明疏星在辰北
昭之言非也○鄭注尚書為文王受命武王伐紂時
日皆用殷歷○劉向五紀論載殷歷之法唯王伐紂而
已其推星在天龜則無術焉○箋云自鶉及駟七列也
協和伐殷之事謂合位三焉○度歲月之所在從南
鶉火之分張十宿謂張翼軫角亢氏房之位
北之揆七同也○辰星在合七律也○揆度也○歲在鶉
辰水星周所出○自午至子○劉歆三統之術○此左傳正義
自戊午至甲子○命至○此十三年○歲在鶉火師初發以殷
在自文王受命至○此十三年○歲在鶉火師初發以殷
三十日得周正○月辛卯朔合辰在斗前一月度明壬辰後
晨星初見○癸巳武王始發○丙午還師○戊午于孟津
孟津去周九百里○師行三十里○故三星及牽牛至婺女
川巳未冬至晨星與婺女伏歷建星及牽牛至婺女

天○首○凡○神○人○以○數○合○之○以○聲○昭○之○數○合○聲○餘○然○後○可○
之○也○左傳正義五聲之外加以變宮變祉此二變者
同○也○舊樂無之○注凡合神人之樂也以數合之謂
取○其○七○也○以聲昭○故以七同其數而以律蘇其聲於
之○謂○用○律○調○音○也○和其聲律有陰陽正變之聲也律
是○乎○有○七○律○和同其數謂七列七同七律也律
二○月○癸○亥○夜○陳○未○畢○而○雨○以○夷○則○之○上○宮○畢○之○當○辰○
辰○在○戌○上○故○長○夷○則○之○上○宮○名○之○曰○羽○所○以○藩○屏○民○
則○也○王○以○黃○鍾○之○下○宮○布○戎○於○牧○之○野○故○謂○之○厲○所○
以○厲○六○師○也○以○大○簇○之○下○宮○布○令○于○商○昭○顯○文○德○底○
邸○音○紂○之○多○罪○故○謂○之○宣○所○以○宣○三○王○之○德○也○反○及○羸

玉海卷之十一

王
海
纂
卷
之
一
五
內○名地○以無射之上宮布憲施舍於百姓故謂之羸亂○

孔子律

論衡 孔子吹律自知殷之苗裔

鄒衍律

文選注 劉向別錄曰鄒衍在燕有谷寒不生五穀鄒

衍吹律而溫之至生黍

漢太常銅律

前律志 劉歆等條奏言之最詳凡律度量衡用銅者

所以同天下。齊風俗也。銅為物之至精。不為燥濕寒

暑變其節。不為風雨暴露改其形。介然有常。有似於

士君子之行。是以用銅也。大戴禮太師吹銅五聲之本生於

黃鍾之律。九寸為宮。或損或益。以定商角。社羽。九六

相生。陰陽之應也。律有十二。陽六為律。陰六為呂。律

以統氣。類物呂以旅。陽宣氣。黃鍾黃者中之色。鍾者

種也。天之中數五。五為聲。地之中數六。六為律。宮以

九唱六。始於子。大呂呂旅也。言陰大旅助黃鍾宣氣

而牙物也。位於丑。大族族奏也。言陽氣大奏地而達

物也。位於寅。夾鍾言陰夾助大族。宣四方之氣而出。種物也。位於卯。姑洗洗絜也。言陽氣洗物。辜音姑絜之也。位於辰。中呂言微陰始起。未成著於中。旅助姑洗。宣氣齊物也。位於巳。蕤賓繼也。導也。言陽始導陰氣。使繼養物也。位於午。林鍾林君也。言陰氣受任助蕤賓。君主種物。使長大。楛盛也。位於未。夷則則法也。言陽氣正法度。而使陰氣夷當傷之物也。位於申。南呂南任也。言陰氣旅助夷。則任成萬物也。位於酉。亡射射厭也。言陽氣究物。而使陰氣卑剝落之。終而復始。

亡厭已也。位於戌。應鍾言陰氣應無射。該藏萬物。而雜陽閔種也。位於亥。其法皆用銅。職在大樂太常掌之。

漢靈臺時律

禮運篇鄭玄曰。宮數八十一。黃鍾長九寸三分。宮去一生。祉社數五十四。林鍾長六寸三分。祉益一生。商數七十二。太簇長八寸三分。商去一生。羽羽數四十八。南呂長五寸三分。寸之一。三分。羽益一生。角角數六十四。姑洗長七寸九分。寸之一。三分。角去一生。

變宮三分變宮益一生變祉自此以後則隨月而變所謂還相爲宮○**晉志**楊泉記云取弘農宜陽縣金門山竹爲管河內葭草爲灰或云以律著室中隨十二辰埋之上與地平以竹葦灰實律中以羅穀覆律呂氣至吹灰動穀小動爲和○大動君弱臣強不動君嚴暴之應

蔡元定律呂新書

蓋黃鍾圍徑之數則漢斛之積分可考寸以九分爲法則淮南太史小司馬之說可推五聲二變之數變

律半聲之制則杜氏之通典具焉變宮變祉之不得爲調則孔氏之禮疏因亦可見至於先求聲氣之元而因律以生尺則尤所謂卓然者而亦雜見於兩漢之志蔡邕之說與夫國朝會要以及程子張子之書受詔典領之臣能得是書奏之則東京郊廟之樂不待公孫述之瞽師而始備而參摹四分之書亦無待後世之子雲而後知好之矣○胡宏曰宮聲不可以易知也○必上有體元之君○下有調元之臣○然後可識而雅樂可復也○朱震曰冬至之卦復也○其實起於

中孚七日而後復應冬至之律黃鍾也其實生於執始而執始乃在冬至之前此律歷之元也

周尺

紀王制古者以周尺八尺為步今以周尺六尺四寸為步古者百畝當今東田百四十六畝三十步古者百里當今百二十一里六十步四尺二寸二分○大戴禮王言篇孔子曰布指知寸布手知尺舒肘知尋十尋而索百步而堵三百步而里千步而井三井而句烈三句烈而距五十里而封百里而有都○隋律

曆志元魏太和十九年定銅尺詔以一黍之廣定為分六月戊午改用長尺大斗其法依漢志永平中公孫崇造樂尺以十二黍為寸劉芳非之更以十黍為寸○古人以度定量以量定權必參相得然後黃鍾之律可求

量衡

家語

五帝德篇黃帝治五氣設五量

權衡升斛尺大里步十百撫

萬民度四方垂衣裳作為黼黻治民以順天地之紀○呂氏春秋黃帝使伶倫作黃鍾之律因律以為量

○周語伯禹釐改制量比類百則○書關石和鈞王

府則有

考工記也卓堅氏為量也黼深尺內方尺而圍其外其

實一黼今粟米法少二升八十一分升之二十二其

鬻一寸其實一豆其耳三寸其實一升重一鈞其聲

中黃鐘之宮槩而不稅其銘曰時文思索允臻其極

嘉量既成以觀四國永啓厥後茲器維則○內宰佐

右立市出其度量淳制司市掌市之度量以量度成

賈而徵債音欲合方氏同其數器壹其度量行人十一

歲同度量同數器注度丈尺量到區質人同其度量

壹其淳制玉人璧羨度尺好三寸以為度駟琮五寸

宗后以為權駟琮七寸鼻寸有半寸天子以為權角

人以度量受之掌葛以權度量受之典同度數齊量

量人凡祭祀脯燔之數量輪人量其藪以黍以祗其

同權之以祗以輕重之侔

五權

志衡所以任權均物平輕重也其在天佐助旋機斟

酌建指以齊七政故曰玉衡權者銖兩斤鈞石也所

以稱物平施知輕重也。本起於黃鍾之重，一龠容千二百黍，重十二銖，兩之爲兩，二十四銖爲兩，十六兩爲斤，三十斤爲鈞，四鈞爲石。五權之制，以義立之。以物鈞之，始於銖，兩於兩，明於斤，均於鈞，終於石。五權謹矣。權與物鈞而生衡，衡運生規，規圓生矩，矩方生繩，繩直生準，準止則平衡而鈞權矣。是爲五則，百工繇焉。以定法式，輔弼執玉，以翼天子。詩曰：秉國之鈞，咸有五象，其義一也。以陰陽言之，冬權夏衡，秋矩春矩，中央爲繩，五則揆物，有輕重，圓方平直，陰陽之義。

四方四時之體，五常五行之象，厥法有品，各順其方而應其行，職在大行，鴻臚掌之。○樂志聲無形而樂有器，古之作樂者，懼器失而聲亡，多爲之法，以著之。故始求聲音以律，而造律者以黍，一黍之廣，積爲分寸，一黍之多，積爲龠合，以黍之量，積爲銖兩，此造律之本也。爲長短多少輕重之法，著於度量，權衡三物，亦有時而敝，又總其法著於數，使其分寸龠合銖兩，皆起於黃鍾，使得律者，可以制度量衡，因度量衡，亦可以制律。不幸皆亡，則推法數而制之，四者旣同而

聲必至聲至而後樂可作矣

律歷歷法

晉律歷志昔者聖人擬宸極以運璿璣揆天行而序景曜分辰野辨躔歷欽農時興物利皆以繫順兩儀紀綱萬物然則觀象設卦勅音勒閏成文歷數之源存於此也逮乎炎帝分八節以始農功黃帝紀三綱而闡書契乃使羲和占日常儀占月車區占星氣伶倫造律呂大撓造甲子隸首作筭數容成綜斯六術考定氣象建五行察發歛起消息正閏餘述而著焉謂

之調律洎于少昊則鳳鳥司歷顓帝則農正司天陶唐則分命羲和虞舜則因循堯法及夏殷乘運周氏應期正朔既殊叛法斯異

堯曆象

堯典乃命羲和欽若昊天曆象日月星辰敬授人時

曆紀數之書象觀天之器王氏

正義日之甲乙

書說曆者步其數象者占其象月之大小昏明遞音中之星日月所會之辰定所行

之數為一歲之曆天道左旋日體右行故星見之方

與四時相逆春則南方見夏則東方見秋則北方見

冬則西方見。書緯言春夏相與交，秋冬相與互，斯假
 妄之談。王肅以所宅為孟月，日中，日永為仲月，星鳥
 星火為季月，以殷以正，皆總三時之月。讀仲為中，言
 各正三月之中氣也。以馬鄭之言，不合天象。周天三
 百六十五度四分度之一，而日日行一度，一期三百
 六十五日四分日之一。今考靈曜乾鑿度諸緯皆然。
 此舉全數，故云三百六十六日。一年餘十二日，未至
 盈滿。三歲足得一月，則置閏。六曆諸緯與周髀皆云
 日行一度，月行十三度十九分度之七，為每月二十

九日過半，日之於法，分為日九百四十分，日之四百
 九十九，即月有二十九日半強，為十二月。六大之外，
 有日分三百四十八，是除小月無六日，一歲所餘正
 十一日弱。十九年七閏年，十一日，則二百九日。王肅
 云斗之所建，是為中氣，無中氣，故以為閏。閏餘不置。
 則三年差一月，將以正為二。九年差三月，將以春為
 夏。十七年差六月，則四時相反。時何由定，歲何得成
 乎。

唐八歷

志曆法尚矣。自堯命羲和，其事畧見于書。而夏商周以三統改正朔，為曆不同，而其法不傳。至漢造曆，始以八十一分為統，母其數起於黃鍾之龠。音藥蓋其法一本於律矣。其後劉歆又以春秋易象推合其數，蓋傳會之說也。至唐一行始專用大衍之策，則曆術又本於易矣。蓋曆起於數，數者自然之用也。其用無窮而無所不通。以之於律，於易，皆可以合也。然其要在於候天地之氣，以知四時寒暑，而仰察天日月星之行，運以相參合而已。然四時寒暑無形，而運於下天。

日月星有象，而見於上。二者常動而不息。一有一無，出入升降，或遲或疾，不相為謀。其久而不能無差忒者，勢使之然也。故為曆者，其始未嘗不精密，而其後多疎而不合，亦理之然也。不合則屢變其法，以求之自堯舜三代以來，曆未嘗同也。故有唐始終二百九十餘年，而曆八改。

歲名支

困敦 子 赤奮若 丑 攝提格 寅 單闕 卯 執徐 辰 大荒落 巳 敦牂 午 協洽 未 涖灘 申 作噩 酉 闔茂 戌 大淵獻 亥

歲陽 子

焉 闕逢 甲旃蒙 乙柔游 丙強圉 丁著雍 離戊屠維

上章 庚重光 辛玄默 音亦昭陽 癸

見爾雅史記天官曆書淮南子

日月所會之次

玄枵 子虛危星紀 斗丑析木 寅箕大火 卯氏房心 壽星 辰角

亢鶉尾 巳翼軫鶉火 午柳星張鶉首 未井鬼實沈 申觜參大梁

胃昂畢降婁 戌奎婁 亥陬訾 室董

漏刻

初學記梁漏刻經云漏刻之作肇於黃帝之日宣乎

夏商之代冬至晝漏四十五刻冬至之後日長九日

加一刻夏至晝漏六十五刻夏至之後日短九日減

一刻

晉漏刻

陸機賦挈金壺以南羅藏幽水而北戢擬洪殺 音於

編鍾順卑高而為汲激垂泉以遠射跨飛途而遙集

伏陰蠱以承波吞長流其如挹籠八極於千分度晝

夜於一箭口納胸吐水無滯咽形微獨繭之緒逝若

垂天之電。積水不過一鍾。導流不過一筵。音而用天
者因其敏。分地者賴其平。悟蟾蜍之棲。月識金水之
相緣。

收元

黃帝五始文

春秋正義。春秋緯稱黃帝受圖有五始。說公羊者云。
元者氣之始。春者四時之始。王者受命之始。正月者。
政教之始。公即位者一國之始。又云黃帝坐於扈閣。
鳳凰對書致帝前。其中得五始之文。謂此五事。春秋
以元之氣。正天之端。以天之端。正天之政。以王之政。
正諸侯之即位。

玉海纂卷之一終

王

<p>王</p>	<p>王</p>	<p>王</p>
----------	----------	----------

